



GEREJA ST. ANTHONY

St. Anthony's Church

Jln Sultan Iskandar, P. O. Box 12,
97007 Bintulu, Sarawak, Malaysia.
Tel: 086-312184, 332141 Fax: 086-311259

民都魯聖安東尼聖堂

信箱：12號, 97007 民都魯, 砂羅越。

電話：086-312184, 332141

傳真：086-311259

Tabi bala menyadi dalam Kristus,

Enti nuan nitihka bacha kesatu ba misa ninting hari ba minggu dulu, nuan tentu udah tebachaka pasal penanggul ti ditapi bala Kristian ke dulu suba ba Surat Kereja Rasul. Bacha keterubah ba Hari Lima (16/4) diujungka enggau jaku, “Lalu tiap hari, dalam Rumah Sembiang enggau dalam rumah sida empu, sida **enda ngetu-ngetu** ngajar sereta madahka Jesus nya Kristus. (SKR 5: 42)” Ketegal penyakit ti ngelekai baka ka diatu, pengidup gerija kitai (Ukaristia, Sunday School, RCIA, Cell Group, Prayer Meeting, ngintu orang ke sakit, betemu enggau pangan diri, enggau ti bukai) udah diketuka dulu tauka tejangal. Nyau enda baka ti ngelama tu. Mayuh kitai udah ngumbai tu idup chara baru (normal baru). Kitai agi enda nemu ni maya kitai ulih begulai ngerami Misa dalam Gerija.

Tuhan udah bejaku ngagai aku nengah genteran jaku tu lalu aku udah ngaga pemutus deka ngambi inisiatif (kuasa mungkalka pengawa) ngiga chara baru ngambi ngemenuhka guna roh raban gerija (kelimpah ari ‘live streaming’ maya Hari Minggu enggau misa ninting hari). Baka orang Kristian ke dipadah ba Surat Kereja Rasul, kitai mesti nentuka iya nya madahka Berita Manah Jesus dalam parish kitai mesti enda tau tejangal, lebih agi diatu lebu kitai amat begunaka ditupi enggau Jaku Allah Taala. Nya alai, aku udah belabuh baum nengah zoom enggau beberapa ‘prayer group’ enggau pengandal “ngidupka pemerai Allah Taala” (2 Tim. 1:6) awakka baka dua iku murid ke betemu enggau Jesus lebu seduai ba rantau jalai ngagai Emaus, “Enda ka ati tua asai ke disar api lebu Iya bejaku enggau tua ba jalai raya tadi, lebu Iya nerangka Bup Kudus ngagai tua?” (Lk. 24:32).

Nya kebuah kitai begunaka ngiga chara baru kena betemu sereta bebagika Jaku Allah Taala kena ngering sereta nguatka sama diri lebu ti napi pemedis maya pandemik tu. Belabuh ari minggu tu, kitai deka lebu mayuh agi baum nengah zoom ka semua ‘prayer group’ ngambika begulai sama baka komuniti ti penuh di-isi enggau Roh nyerahka diri madahka Berita Manah Jesus. Nyadi, semua dialu-aluka awakka bisi ngambi bagi ba inisiatif tu. Anang ngawakka seraka sosial ngasuh kitai ngasaika emosi jauh ari pangan sereta ujung iya ngenyauhka roh ari Allah Taala sereta enggau diri sama diri. Awakka kitai selalu ngingatka, dia bisi dua tauka tiga iku orang begempuru dalam nama Jesus, Iya bisi dia enggau sida (Mt.18:20) lalu Jesus deka seruran enggau kitai, nyentuk ngagai pengujung dunya (Mt. 28:20).

Pemela nuan,

Fr. Andy Lee (Rector of St. Anthony's Church, Bintulu)
(Good Shepherd Sunday, 25th April 2021)